

經律異相卷第四十九

相九
閻羅王等爲獄司往緣第一

梁沙門僧旻寶唱等奉勅撰

地獄部第四十之一

閻羅王等爲獄司往緣一

閻羅王三時受苦二

閻羅王問罪人三

十八地獄及獄主名字四

三十地獄及獄主名字五

五官禁人作罪六

始受地獄生七

應生天墮地獄臨終有迎見善惡處八

八王使者於六齋日簡閱善惡九

寒熱邊地地獄十

金剛山間八大地獄有十六小獄十一

金剛山間別有十地獄十二

閻羅王昔爲毗沙國王經與維陀始王共戰

兵力不敵因立誓願願爲地獄主臣佐十八人領百萬之衆頭有角耳皆悉忿懣同立誓曰後當奉助治此罪人毗沙王者今閻羅是十八大臣者諸小王是百萬之衆諸阿傍是餘北方毗沙門天王出閻地獄經淨度三昧經云總治一百三十四

閻羅王三時受苦第二

獄地

閻浮提南有大金剛山內有閻羅王宮縱廣

六千由旬問地獄經云住地獄問城縱廣三萬里全銀所成

晝夜三

時有大銅鑊自然在前若鑊入宮內王見怖畏捨出宮外若鑊出宮外王入宮內有大獄卒卧王熱鐵牀上鐵鈎擘口烊銅灌之從咽徹下無不燋爛事竟還與采女共相娛樂彼

諸大臣同受福者亦復如是

出長阿含經第十九卷

閻羅王問罪人第三

有三使者一老二病三死若有衆生三業行

惡身壞命終應墮地獄王問言汝是天使所

召耶王曰汝見第一使者不汝在人中見頭

白齒落目視矇皮緩肌皺僂脊拄杖呻吟

而行見此人不罪人言見王曰汝何不自念

我亦當爾罪人言我時放逸不自覺知王曰

今當令汝知放逸苦非父母兄弟天帝先祖

知識僮僕沙門等過汝自造惡今當自受又

問汝見第二使不汝本爲人頗見疾病困篤

屎尿處身卧其上飲食須人百節酸疼流

淚呻吟不能語言不答曰見王問曰何不自

念往反如第一使又問覺第三使不頗見人死身壞

命終諸根永滅身體既直猶如枯木捐棄塚

間鳥獸所食不答曰見如前語已付獄卒

有是

生三世治惡經云遣五使五謂生老病死先身惡業

詣大地獄

出長阿含經第十九卷接

炭經大同小異

十八地獄及獄主名字第四

十八小王者一迦延典泥犁二屈遵典刀山

三沸達壽典沸沙四沸曲典沸屎五迦世典

黑耳六墮僥典火車七湯謂典鑊湯八鐵迦

然典鐵牀九惡生典墮山十呻吟典寒冰十

一毗迦典剥皮十二遙頭典畜生十三提薄

典刀兵十四夷大典鐵磨十五悅頭典灰河

十六穿骨典鐵籠十七名身典蛆蟲十八觀

身典洋銅

出問地經

三十地獄及獄主名字第五

一曰平湖王典主阿鼻大泥犁二曰晉平王

典治黑繩重獄三曰荼都王典治鐵曰獄四

曰輔天王典治合會獄五曰聖都王典治太
山獄六曰玄都王典治火城獄七曰廣武王
主治劔樹獄八曰或陽王典主囉吼獄九曰
平陽王主治八路獄十曰都陽王典治刺樹
獄十一消陽王主治沸灰獄十二挺尉王典
治大叫獄十三廣進王主大阿鼻獄十四高
都王主治鐵車獄十五公陽王主治鐵火獄
十六平解王主治沸屎獄十七柱陽王主治
燒地獄十八平丘王典治彌離獄十九礎石
王主治山石獄二十琅耶王主治多洹獄二
十一都官王主治泥犁獄二十二玄錫王主
治飛蟲獄二十三太一王主治陽阿獄二十
四舍石王主治大磨獄二十五涼無王主治
寒雪獄二十六無原王主治鐵杵獄二十七
政始王主治鐵柱獄二十八高遠王主治曇

血獄二十九都進王主治燒石獄三十原都
王主治鐵輪獄是爲三十大苦劇泥犁神明
聽察疏記罪福不問尊卑一月六奏一歲四
覆四覆之日皆用八王日八王日者天王案
行以比諸天民隸之屬有福增壽有罪減算
制命長短毛分不差人民盲冥了自不知不
預作善收付地獄出淨度相九三昧經

五官禁人作罪第六

五官者一鮮官禁殺二水官禁盜三鐵官禁
姪四土官禁兩舌五天官禁酒出淨度相九三昧經

始受地獄生第七

閻羅王城之東西南面列諸地獄有日月光
而不明淨唯黑耳獄光所不照人命終時神
生中陰中陰者已捨死陰未及生陰其罪人
者乘中陰身入泥犁城泥犁城者梁言寄係城又云閻

城是諸罪人未受罪之間共聚是處巧風所吹隨業輕重受大小身颺風所吹成就罪人麤醜之形香風所吹成就福人微細之體出地獄

問出

應生天墮地獄終有迎見善惡處第八

生天墮地獄各有迎人人病欲死時眼自見來迎應生天上者天人持天衣妓樂來迎應生他方者眼見尊人爲說妙言應墮地獄者眼見兵士持刀盾矛戟索圍遶之所見不同口不能言各隨所作得其果報天無枉濫平直無二隨其所作天網治之

出淨度三昧經華嚴經云人欲

終時見中陰相行惡業者見三惡受苦或見閻羅持諸兵仗囚執將去或聞苦聲若行善遊戲快樂如是等勝事也

八王使者於六齋日簡閱善惡第九

八王日諸天帝釋鎮臣三十二人四鎮大王

相九

五

司命司錄五羅大王八王使者盡出四布覆行復值四王十五日三十日所奏案校人民

立行善惡地獄王亦遣輔臣小王同時俱出

有罪即記前齋八王日犯過福強有救安隱無他用福原赦到後齋日重犯罪數多者減

壽條名尅死歲月日時關下地獄承文書即遣獄鬼持名錄名獄鬼無慈死日未到強推作惡令命促盡福多者增壽益算天遣善神營護其身移下地獄拔除罪名除死定生後

生天上

出淨度三昧經

寒熱邊地地獄第十

云何地獄答謂寒熱邊地也有無量種今當略說寒地獄者了叫喚不了叫喚不叫喚有是三相極惡喚呼了叫喚者有三一阿浮陀二泥羅浮陀三阿波跋阿浮陀地獄者由寒

身中生似癰泥羅浮陀地獄者風吹脹滿阿

波跋者極寒風吹剥其身皮肉盡落皆急戰

喚聲此三可了

不了叫喚者一阿吒鵠吒鵠二優鉢羅阿吒

鵠吒鵠者亦是極寒風所吹皮肉剥落喚阿

吒鵠吒鵠優鉢羅者極大寒風吹剥身皮肉

體中自鐵葉還自纏身如優鉢羅華以謗賢

聖墮此獄中不叫喚者一拘牟陀二須犍提

三伽分陀梨四伽波曇摩極寒風吹身脹滿

如四種相受苦呻吟以謗賢聖故墮彼四種

地獄於一切時受無量苦是一切大寒地獄

處在四洲間著鐵圍山底仰向居止在闇冥

中寒風壞身大火所然如燒竹林聲咳相觸

亦有餘衆生於中受苦皆謗毀賢聖受如是

苦如世尊說偈

想九

泥羅浮有百千

阿浮陀三十五

毀聖惡趣獄

口及意惡願

是謂寒地獄問云何熱地獄答一有主治二

少主治三無主治此三相治者是考掠也有

主一者治活二行三黑繩活地獄者獄卒以

利刀斧解剥剉斬罪衆生如斬剉草頭皮肉

解散罪緣未盡以冷風吹還生如故復因罪

惡手生鐵爪鋒利猶刀各生怨結更生擗截

如刈竹筆彼此相聞結恨心死故生此中黑

繩地獄者挖罪人著地以黑繩絆段段斫截

以刀斫衆生故生彼地獄復次以熱赤銅鐵

鏹纏身骨肉破碎髓血交流以鞭杖加衆生

及出家不精進受著信施衣故故生彼中極

大閻冥苦於烟熏倒懸其身使歛烟熏烟熏

尤居衆生故也行地獄者行列罪衆生如屠

肆者截手足耳鼻及頭本爲屠兒故受此苦復次熱鐵地駕鐵火車獄卒乘之張眼喊喚叱叱使走以乘象馬驅使疲勞故墮此中姪犯他妻驅上劔樹自然火燒受如是苦謂有主治地獄獄卒者以行緣故不被火燒少主治地獄者一衆合二大哭三鐵檻衆合地獄者罪衆生畏地獄卒無量百千走入山間前後自然生大兩山自合如磨血流如河骨肉爛盡以喜磨衆生故也復次火燒大鐵曰以杵擣之經歷百年彼以罪緣故而命不盡以曰擣殺蠭蟲及搗殺故也大哭地獄者大鐵山周徧火然四絕無行處惡獄卒無慈瞋恚言欲何所趣以火燒鐵杵擊破其頭以困苦萬民故生此中也炙地獄者大鐵山火燄相搏以鐵弗弗之周而猗炙一面適熟弗自然

轉反覆顛倒以貫刺殺人故生此中也無缺地獄者鐵地周而火然縱廣百由旬四門如城以銅薄覆上燄燄相續諸罪衆生積聚如薪燄無星礙燒爛其身受苦無缺以殺父母真人惡意向佛使血流出闊亂衆僧及作增上十不善業故生此中也邊地獄者所在家水間山間及曠野獨受惡業報是謂邊地獄也

出依品
第三卷

金剛山間八大地獄有十六小獄第十一

四天下外有八萬天下而圍遼之八萬天下

外復有大海海外復有大金剛山山外復更有山亦名金剛樓炭經云
大鐵圍山二山中間日月神天威光不照有八大地獄一曰想二曰黑繩三曰堆碑四曰叫喚五曰大叫喚六曰燒炙七曰大燒炙八曰無間樓炭經名有不
同文多不載

其一地獄各有十六小地獄問地獄者地上有也想地獄十六者一曰黑沙二曰沸屎三曰五百釘四曰飢五曰渴六曰一銅金七曰多銅金八曰石磨九曰膿血十曰量火十一曰灰河十二曰鐵丸十三曰鋸斧十四曰豺狼十五曰劔樹十六曰寒冰

其中衆生手生鐵爪迭相瞋忿以爪相摑應手肉墮想以爲死復次其中衆生懷毒害想手執刀劔迭相斫刺剝蠻割身碎在地想謂爲死冷風來吹尋復活起彼自想言我今已活久受罪已出想地獄惶求救不覺忽到黑沙地獄熱風暴起吹熱黑沙來著其身燒皮徹骨身中燄起迴旋還身燒炙熑爛其罪未畢故使不死久受苦已出黑沙獄到沸屎獄有沸屎鐵丸自然滿前驅迫罪人使抱

鐵丸燒其身手復使撮著口中從咽至腹通徹下過無不熑爛有鐵觜蟲唼肉達髓苦毒無量受罪未畢復不肯死久受苦已出沸屎獄到鐵釘獄獄卒撲之偃熱鐵上舒展其身以釘釘手足周徧身體盡五百釘苦毒號吟猶復不死久受苦已出鐵釘獄到饑餓獄即撲熱鐵上銷銅灌口從咽至腹通徹下過無不熑爛餘罪未盡猶復不死久受苦已出飢地獄到渴地獄即撲熱鐵上以熱鐵丸著其口中燒其脣舌通徹下過無不熑爛苦毒啼哭久受苦已得出地獄到一銅鎧地獄獄卒怒目捉罪人足倒投鎧中墮湯涌沸上下迴旋身壞爛熟萬毒並至故令不死久受苦已出一銅鎧至多銅鎧地獄捉罪人足倒投鎧中隨湯涌沸上下迴旋舉身爛壞以鐵鉤取

置餘鎧中悲叫苦毒故使不死久受苦已出
多銅鎧至石磨地獄捉彼罪人撲熱石上舒
展手足以大熱石壓其身上迴轉揩磨骨肉
糜碎苦毒切痛故使不死久受苦已出石磨
獄至膿血地獄膿血沸涌罪人於中東西馳
走湯其身體頭面爛壞又取膿血食之通徹
下過苦毒難忍故令不死久受苦已乃出膿
血至量火地獄有大火聚其火燄熾驅迫罪
人手執鐵升以量火聚徧燒身體苦毒熱痛
呻吟號哭故使不死久受苦已出量火獄到
灰河地獄縱廣深淺各五百由旬灰湯涌沸
惡氣烽焞洄波相搏聲響可畏從底至上鐵
刺縱橫其河岸上有劔樹林枝葉華實皆是
刀劔罪人入河隨波上下洄湧沉沒鐵刺刺
身內外通徹膿血流出苦痛萬端故令不死

乃出灰河至彼岸上利劔割刺身體傷壞復
有豺狼來齒罪人生食其肉走上劔樹劔刃
下向下劔樹時劔刃上向手攀手絕足踢足
斷皮肉墮落唯有白骨筋脈相連時劔樹上
有鐵觜烏啄頭食腦苦毒號叫故使不死還
入灰河隨波沉沒鐵刺刺身苦毒萬端皮肉
爛壞膿血流出唯有白骨浮漂於外冷風來
吹尋便起立宿對所牽不覺忽至鐵丸地獄
有熱鐵丸獄鬼驅捉之手足爛壞舉身火然
萬毒並至故令不死久受苦已乃出鐵丸至
拘九
斬斧地獄捉此罪人撲熱鐵上以熱鐵斬斧
斫其手足耳鼻身體苦毒號叫猶復不死久
受罪已出斬斧獄至豺狼地獄有羣豺狼競
來齦齒內墮骨傷膿血流出苦痛萬端故令
不死久受苦已乃出豺狼至劔樹獄入彼劔

林有暴風起吹劔樹葉墮其身上頭面身體無不傷壞有鐵觜鳥啄其兩目苦痛悲號故使不死久受苦已乃出劔樹至寒冰獄有大寒風吹其身上舉體凍傷皮肉墮落苦毒叫喚然後命終身爲不善口意亦然斯墮想地獄怖懼毛豎

黑繩大地獄有十六小獄周而圍遶各縱廣五百由旬何故名黑繩其諸獄卒捉彼罪人撲熱鐵上舒展其身以熱鐵繩絆之使直以熱鐵斧逐繩道斫罪人作百千段復次以鐵繩絆鋸鋸之復次懸熱鐵繩交橫無數驅迫罪人使行繩間惡風暴起吹諸鐵繩歷絡其身燒皮徹肉燋骨沸髓苦毒萬端餘罪未畢故使不死故名黑繩久受苦已乃出黑繩乃至寒冰地獄然後命終惡意向

父母佛及聲聞則墮黑繩獄苦痛不可稱堆碑大地獄有十六小獄圍遶各縱廣五百由旬何故名堆碑有大石山兩兩相對人入此中山自然合堆碑其身骨肉糜碎山還故處苦毒萬端故使不死復有大鐵象舉身火然哮吼而來蹴踢罪人宛轉其上身體糜碎膿血流出號咷悲叫故使不死復捉罪人卧大石上以大石壓復取罪人卧地鐵杵擣之從足至頭皮肉糜碎膿血流出萬毒並至餘罪未畢故令不死故名堆碑久受苦已乃出堆碑到黑沙地獄乃至寒冰然後命終但造三惡業不修三善行墮堆碑地獄苦痛不可稱叫喚大地獄有十六小地獄各縱廣五百由旬何故名叫喚獄卒捉罪人擲大鑊中又置大鐵鑊中熱湯沸煮彼罪人號咷叫喚

餘罪未畢故使不死故名叫喚久受苦已乃出叫喚至黑沙地獄乃至寒冰爾乃命終瞋

恚懷毒造諸惡行墮叫喚地獄

大叫喚大地獄有十六小獄何故名大叫喚

取彼罪人著大鐵金中又置鐵鑊中熱湯涌

沸煮彼罪人又擲大鋤上反覆煎熬號咷大

叫苦痛辛酸餘罪未畢故使不死名大叫喚
久受苦已出大叫喚至寒冰獄爾乃命終習

衆邪見爲愛網所牽造單陋行墮大叫喚獄
燒炙地獄有十六小地獄何故名燒炙將諸

罪人置鐵城中其城火然内外俱赤燒炙罪

人又著鐵樓上其樓火然内外俱赤又擲著

大鐵陶中其陶火然内外俱赤燒炙罪人皮

肉燋爛萬毒並至餘罪未畢故使不死故名

爲燒炙久受苦已出燒炙獄至黑沙獄乃至

相九

十二

寒冰然後命終爲燒炙行墮燒炙地獄長夜受燒炙苦

大燒炙地獄有十六小地獄縱廣五百由旬

將諸罪人置鐵城中其城火然内外俱赤燒炙罪人皮肉燋爛萬毒並至有大火坑火燄

熾盛其坑兩岸有大火山捉彼罪人貫鐵又上豎著火中重火燒炙皮肉燋爛餘罪未畢

故使不死久受苦已出大燒炙至黑沙地獄乃至寒冰爾乃命終捨善累業爲衆惡行墮

大燒炙獄

無間大地獄有十六小獄各縱廣五百由旬

捉彼罪人剥取其皮從足至頂即以其皮纏罪人身著火車輪輶熱鐵地周行往反身體碎爛皮肉墮落萬毒並至故使不死又有鐵

城四面火起東燄至西燄至東南北上下

亦復如是燄熾迴遑間無空處東西馳走燒
炙其身皮肉焦爛苦痛辛酸萬毒並至罪人
在中久乃門開其諸罪人奔走往趣身諸支
節皆火燄出走欲至門門自然閉餘罪未畢

故使不死又其中罪人舉目所見但見惡色

耳聞惡聲鼻聞臭氣身觸苦痛意念惡法彈

指九十三
指之頃無不苦時故名無間地獄久受苦已
從無間出至黑沙地獄乃至寒冰地獄爾乃
命終爲重罪行生惡趣業墮無間獄罪不可
稱名八大地獄各有十六小地獄

金剛山間別有十地獄第十二

二大金剛山間有大風起名爲僧怯若使風
來至四天下及八萬天下大地諸山去地十
里或至百里飛颺空中皆悉糜碎譬如壯士
手把輕糠散於空中由二大山遮止此風若

使風至四天下者其中衆生溪河江海皆當
焦枯又山間風是處不淨腥穢酷烈若使來
至四天下者燻諸衆生皆當失目又此二山
多所饒益亦是衆生行報所致

又一山間有十地獄一名厚雲二名無雲三
石呵呵四名柰何五名羊鳴六名須乾提七
名優鉢羅八名拘物頭九名分陀利十名鉢
頭摩云何名厚雲地獄罪人自然生身譬如
厚雲故名厚雲云何名無雲衆生生身猶如
段肉故名無雲云何名呵呵苦痛切身皆稱
呵呵故名呵呵云何名柰何受罪衆生苦痛
酸切無所歸依皆稱柰何云何名羊鳴受罪
衆生苦痛切身欲舉聲語舌不能轉直如羊
鳴云何名須乾提華獄皆黑如須乾提華色
云何名優鉢羅華獄皆青如優鉢羅華色云

何名俱物頭華獄皆紅如俱物頭華色云何
名分陀利華獄皆白如分陀利華云何名鉢
頭摩華獄皆赤如鉢頭摩華色喻如有第受
六十四斛滿中胡麻有人百歲持一麻去如
是至盡厚雲地獄受罪未竟如二十厚雲地

相大

十四

獄壽與一無雲地獄壽等如二十無雲地獄
壽與一呵呵地獄壽等如二十呵呵地獄壽

與一柰何地獄壽等如二十柰何地獄壽與
一羊鳴地獄壽等如二十羊鳴地獄壽與一
須乾提地獄壽等如二十須乾提地獄壽與

一優鉢羅地獄壽等如二十優鉢羅地獄壽

與一拘物頭地獄壽等如二十拘物頭地獄

壽與一分陀利地獄壽等如二十分陀利地

獄壽與一鉢頭摩地獄壽等如二十鉢頭摩

壽名一中劫如二十中劫名一大劫鉢頭摩

地獄中火燄熱熾感罪人去火一百由旬火
已燒炙去六十由旬兩耳已聾無所聞知去
五十由旬兩目已盲無所復見瞿波利比丘
已懷惡心謗舍利弗目犍連身壞命終墮此
鉢頭摩地獄中

出長阿含經大同小異

經律異相卷第四十九

音釋

相九

十五

懟徒對切擘博厄切蒙莫紅切目有童達
懟怨也擘擘也蒙蒙子而無見也
蓋音蓋僥上克盡切瞷瞷也
進古獲切倉倉何切瞷瞷也
宅打也縛縛知格切瞷瞷也
許許及切絳絳繩直物切瞷瞷也
欲欲也戒戒都皓切瞷瞷也
喊大聲也壽壽春也瞷瞷也
打打也春春也瞷瞷也

剝 剝匹美
斬 斧也 欣欣
篇 國市也
切 切
齧 齧在
齒 没齒
輾 輦尼
也 也
風 風飛物
燭 燭蒲容
火 火燭
逢 逢切
煙 煙起
燎 燭蒲切
蒲 容切
物 物功